



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-005-6/22**

Datum: **18.02.2022. godine**

«Agencija za vodno područje rijeke Save» Sarajevo rješavajući po službenom zahtjevu Ministarstva za prostorno uređenje, promet i komunikacije i zaštitu okoline Zeničko-dobojskog kantona za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada poslovnog objekta za tretman i reciklažu neopasnog miješanog otpada u količini od 100tona/dan i reciklažnog dvorišta u ul Radnička, općina Zavidovići a u postupku pribavljanja lokacijske informacije za promjenu namjene postojeće proizvodne hale po zahtjevu Investitora - Pašić (Fehro) Emir iz Zavidovića, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99), donosi

R J E Š E N J E **o prethodnoj vodnoj saglasnosti**

1. Pašić (Fehro) Emiru iz Zavidovića daje se prethodna vodna saglasnost za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada poslovnog objekta za tretman i reciklažu neopasnog miješanog otpada u količini od 100tona/dan i reciklažnog dvorišta koji se planiraju graditi u ul Radnička na zemljištu označenom kao k.č. broj: 227/1 i 227/18 K.O. Zavidovići, općina Zavidovići a u postupku pribavljanja lokacijske informacije za promjenu namjene postojeće proizvodne hale i okolinske dozvole ukoliko je za predmetni objekat i aktivnost potrebna okolinska dozvola.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za korištenje vode i ispuštanje sanitarno-fekalnih otpadnih voda iz predmetnih objekata, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska služba u skladu sa članom 139. stav (2) tačka 1. i 2. i stav (3) Zakona o vodama.
3. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
 - 3.1. Da je planirana aktivnost promjene namjene postojeće proizvodne hale u poslovni objekat za tretman i reciklažu neopasnog miješanog otpada u količini od 100tona/dan i reciklažno dvorište, usklađena sa važećom prostorno-planskom dokumentacijom i razvojnim planovima općine Zavidovići.
 - 3.2. Da se u okviru projektnog rješenja primjene tehničko-tehnološke mjere kojima će se spriječiti kontaminacija voda, tla i zraka.
 - 3.3. Izraditi investiciono tehničku dokumentaciju potrebnu za pribavljanje vodne saglasnosti za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za tretman i reciklažu neopasnog miješanog otpada i reciklažnog dvorište kojom će se jasno definisati potreban tretman tehnoloških otpadnih voda u cilju postizanja propisanih uslova kvaliteta vode u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Investiciono-tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5.

stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20) koja su bitna za konkretan slučaj, a naročito:

- Proračun količina i sastava tehnoloških otpadnih voda sa relevantnim parametrima potrebnim za projektovanje sistema za prikupljanje, odvodnju i tretman istih prije ispusta u krajnji recipijent.
 - Tehničko rješenje sistema za prikupljanje i prečišćavanje oborinskih onečišćenih voda sa platoa, radnih površina predmetnog objekta sa reciklažnim dvorištem kao i zauljenih voda sa internih saobraćajnih, parking i površina za održavanje mašina sa načinom i mjestom ispuštanja prečišćenih voda u utvrđeni recipijent.
 - Obraditi tehničko-tehnološko rješenje načina prihvata i skladištenja eventualno prosutih hemikalija sa svim potrebnim proračunima, tehničkim opisom i grafičkim priložima.
 - Predvidjeti ugradnju okna za monitoring prije ispusta prečišćenih voda u recipijent.
 - Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka).
- 3.5. Projektnom dokumentacijom definisati da se opasni i neopasni materijal i otpad koji nastaje u toku rada predmetnog objekta ne smije ni privremeno odlagati na česticu «vodno dobro», odnosno u vodotok i na njegove obale i prostor unutar granica dopiranja velikih voda.
 - 3.6. Projektnom dokumentacijom sagledati sve moguće neželjene uticaje planiranih radova na režim površinskih i podzemnih voda, postojeću infrastrukturu, druge objekte i postrojenja, stečena prava korisnika, naselja i slično i dati prijedlog mjera za uklanjanje odnosno ublažavanje tih utjecaja.
 - 3.7. Pri izradi tehničke dokumentacije pridržavati se uslova iz Urbanističke saglasnosti/lokacijske informacije, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
 - 3.8. Usvojeni sistem prečišćavanja mora biti tako dimenzioniran da obezbijedi da prečišćene otpadne vode prije ispuštanja u recipijent – kolektor DN 200 a potom rijeka Bosna na mjestu ispusta, moraju da zadovolje granične vrijednosti emisije definisane članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.9. Projektnom dokumentacijom obuhvatiti i u odgovarajućem mjerilu situativno prikazati cjelokupan lokalitet poslovnog objekta za tretman i reciklažu neopasnog miješanog otpada u količini od 100tona/dan i reciklažnog dvorišta u ul Radnička, općina Zavidovići te definisati tačan položaj/lokaciju objekta u odnosu na otvorene vodotoke, izvorišta vode za piće, naselja a sve u cilju utvrđivanja trenutnog stanja voda i odabira tehnologije prečišćavanja tehnoloških otpadnih voda a prije ispuštanja u recipijent.
 - 3.10. Investiciono tehnička dokumentacija mora biti urađena na nivou glavnog projekta potrebnog za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
4. Ovu prethodnu vodnu saglasnost će Investitor koristiti u postupku pribavljanja lokacijske informacije i okolinske dozvole i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
 5. Po izradi i reviziji investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
 6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 6.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 6.2. Rješenje o lokacijskoj informaciji i okolinskoj dozvoli
 - 6.3. Dokaz o izvršenoj uplati upravne takse u iznosu od 60 KM.
 - 6.4. Dokaz o riješenim imovinsko – pravnim odnosima.

7. Ova prethodna vodna saglasnost se , u skladu sa članom 111. stav 3. Zakona o vodama, daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena lokacijska informacija i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Ministarstvo za prostorno uređenje, promet i komunikacije i zaštitu okoline Zeničko-dobojskog kantona u postupku izdavanja lokacijske informacije za promjenu namjene postojeće proizvodne hale u poslovni objekat za tretman i reciklažu neopasnog miješanog otpada u količini od 100t/dan i reciklažnog dvorišta u ul Radnička na zemljištu označenom kao k.č. broj: 227/1 i 227/18 K.O. Zavidovići, općina Zavidovići po zahtjevu Investitora - Pašić (Fehro) Emir iz Zavidovića, uputilo je po službenoj dužnosti dana 11.01.2022. godine zahtjev za izdavanje prethodne vodne saglasnosti za predmetni objekat nadležnoj «Agenciji za vodno područje rijeke Save» Sarajevo.

Uz zahtjev nije dostavljena dokumentacija koja je propisana članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) te je dopisom broj: UP-1/21-1-40-005-2/22 od 12.01.2022. godine zatraženo od podnosioca zahtjeva da istu dopuni što je i urađeno u naknadno ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija lične karte Pašić Emira,
- Kopija Mišljenja broj: 06-19-2998/21-AP-2 o mogućnosti gradnje u skladu sa prostorno planskom dokumentacijom upućenog Ministarstvu za prostorno uređenje, promet i komunikacije i zaštitu okoline Zeničko-dobojskog kantona dana 13.12.2021. godine od strane Službe za upravu geodetskih, imovinsko pravnih poslova i urbanizma Općina Zavidovići (prilog - Izvod iz prostorno planske dokumentacije),
- Kopija načelne saglasnosti broj: 673-263-03/21 na lokaciju izgradnje poslovno-proizvodne hale izdate dana 29.03.2021. godine od strane JKP «RADNIK» d.o.o. Zavidovići,
- Kopija Rješenja o odobrenju građenja (kapacitet do 2tone/dan) broj: 06-19-1967/21-UP-1-3 izdatog dana 26.05.2021. godine od strane Službe za upravu geodetskih, imovinsko pravnih poslova i urbanizma Općina Zavidovići,
- Kopija Rješenja o upotrebi objekta (kapacitet do 2tone/dan) broj: 06-19-3566/21-UP izdatog dana 09.09.2021. godine od strane Službe za upravu geodetskih, imovinsko pravnih poslova i urbanizma Općina Zavidovići (prilog_ zapisnik o tehničkom pregledu od 08.09.2021. godine),
- Kopija Katastarskog plana UR broj: 06/6-30-4833/2021-3 izdatog dana 14.12.2021. godine od strane Službe za upravu geodetskih, imovinsko pravnih poslova i urbanizma Općina Zavidovići,
- Kopija Posjedovnog lista broj 232 i 2134 izdatih dana 14.12.2021. godine od strane Službe za upravu geodetskih, imovinsko pravnih poslova i urbanizma Općina Zavidovići,
- Ovjerena kopija Zemljišnoknjižnog izvotka broj: 042-0-NAR-22-000064, ZK uložak broj: 1832 izdatog dana 13.01.2022. godine od strane Zemljišnoknjižnog ureda - Općinski sud u Zavidovićima,
- Kopija Ugovora o kupoprodaju nekretnina OPU-IP 55/2021 zaključenog dana 20.01.2021. godine između Pašić Fahre, Eldina, Albina i Emira (prodavatelji po punomoćniku) i Ridžal Samira (kupac i dir «AB INDUSTRIALS» d.o.o. Sarajevo podružnica «Ecco Green» Zavidovići) – ugovor notarski ovjeren od strane Dilber Elze, notar iz Zenice,
- Kopija Rješenja broj:04-14-09794-4/21 o odobrenju obavljanja djelatnosti prikupljanja, prerade i proizvodnje otpadnih materijala i sekundarnih sirovina izdatog dana 08.12.2021.

godine od strane Ministarstva za privredu Zeničko-dobojskog kantona privrednom društvu «AB INDUSTRIALS» d.o.o. Sarajevo podružnica «ECCO GREEN» Zavidovići,

- Kopija zahtjeva za izdavanje lokacijske informacije broj: 1-24/2021-SR upućenog Ministarstvu za prostorno uređenje, promet i komunikacije i zaštitu okoline Zeničko-dobojskog kantona od strane «AB INDUSTRIALS» d.o.o. Sarajevo,
- Kopija Uvjerenja broj: 06-23-3177/13 o mogućnosti upotrebe izgrađenih objekata na parceli označenoj kao k.č. broj: 227/1 K.O. Zavidovići izdato dana 13.09.2013. godine od strane Službe za upravu geodetskih, imovinsko pravnih poslova i urbanizma Općina Zavidovići (prilog: izvod iz Regulacionog plana «Majdanska polja»),
- Studija uticaja na tlo i vode – poslovno proizvodna hala za tretman i reciklažu neopasnog miješanog otpada u Zavidovićima urađena od strane «ES HYDROTECHNICS» d.o.o. Sarajevo, januar 2022. godine na traženje «AB INDUSTRIALS» d.o.o. Sarajevo podružnica «Ecco Green» Zavidovići,
- Punomoći zastupnika podnosioca zahtjeva za Pašić Emira (punomoći potpisane i ovjerene od strane strane Dilber Elze, notar iz Zenice),
- Dokaz o uplaćenju upravnoj taksi na zahtjev,

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 25.01.2022. godine obaviještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 26.01.2022. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u priloženu dokumentaciju utvrđeno je:

- Predmetna lokacija, tzv Omladinsko naselje se nalazi u ul Radnička na lijevoj obali rijeke Bosne. Za objekat - poslovno proizvodna hala, izgrađen na zemljištu označenom kao k.č. broj: 227/1 K.O. Zavidovići (na mjestu porušenog prizemnog objekta) od strane nadležne službe Općine Zavidovići izdato je Rješenje o upotrebi objekta namjene – tretman i reciklaža neopasnog miješanog otpada kapaciteta do 2tone/dan broj: 06-19-3566/21-UP-1-5 od 09.09.2021. godine (izdato na traženje Pašić (Fahro) Emira, Albina i Edina iz Zavidovića).
- Kupac objekta, «AB INDUSTRIALS» d.o.o. Sarajevo podružnica «Ecco Green» Zavidovići u ime Pašić (Fehro) Emir (punomoćnik prodavaca) je nadležnom Ministarstvu podnio zahtjev za promjenu namjene postojeće proizvodne hale (tretman i reciklaža neopasnog miješanog otpada u količini od 100tona/dan) i izgradnju reciklažnog dvorišta na zemljištu označenom kao k.č. broj: 227/1 i 227/18 K.O. Zavidovići.
- Prema Mišljenju broj: 06-19-2998/21-AP-2 upućenom dana 13.12.2021. godine od strane Službe za upravu geodetskih, imovinsko pravnih poslova i urbanizma Općina Zavidovići na traženje Ministarstva za prostorno uređenje, promet i komunikacije i zaštitu okoline Zeničko-dobojskog kantona a u postupku izdavanja lokacijske informacije, predmetna lokacija se nalazi u zoni rezervisanog za radno privredne površine.
- Prema dostavljenoj Studiji, nakon prijema i razvrstavanja otpada, u zatvorenoj poslovno proizvodnoj hali se planiraju aktivnosti prerade i recikliranja neopasnog miješanog otpada. Dobijeni proizvodi/ili poluproizvodi se skladište u posebne boksove do konačnog otpremanja.
- Parcele na kojima se planiraju predmetne aktivnosti se ne nalaze u zaštitnim zonama izvorišta vode za piće.
- Predmetni objekat će biti priključen na gradsku vodovodnu mrežu kojom upravlja JKP «RADNIK» d.o.o. Zavidovići.
- Oborinske onečišćene vode sa saobraćajnih i manipulativnih površina će se zajedno sa tehnološkim otpadnim vodama nastalim na radnim površinama reciklažnog dvorišta, pranjem boksova i servisiranjem opreme, prikupljati sistemom slivnika i kanalizacione mreže i odvoditi na tretman u tipski separator masti i ulja. Ispust iz separatora je, preko okna za monitoring predviđen u gradski kolektor DN 200 sa krajnjim ispustom u rijeku Bosnu.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac Sektora za izdavanje vodnih akata


Hani Alisehović, dipl.ing.građ.

Dostaviti:

- Pašić (Fehro) Emir
Bršljavine bb, 72200 Zavidovići
- Ministarstvo za prostorno uređenje, promet i komunikacije i zaštitu okoliša
Zeničko-dobojskog kantona, Kučukovići br 2, 72000 Zenica
- AVP Sava, ISV – Vodna knjiga
- ⊖ Sektor 40 – arhiva
- Oglasna ploča - AVP Sava